

## GWEINIDOGION Y DU SY'N GWEITHREDU MEWN MEYSYDD DATGANOLEDIG

### 202 - Rheoliadau Iechyd Anifeiliaid Dyfrol a Rhywogaethau Estron mewn Dyframaeth, Anifeiliaid, a Marchnata Hadau, Planhigion a Deunyddiau Lluosogi (Swyddogaethau Deddfwriaethol a Darpariaethau Amrywiol) (Diwygio) (Ymadael â'r UE) 2020

*Dyddiad gosod yn Senedd y DU: 2 Tachwedd 2020*

#### Sifftio

A fydd angen eu sifftio yn Senedd y DU?	Na fydd
Gweithdrefn:	Cadarnhaol drafft
Dyddiad trafod gan Bwyllgor Offerynnau Statudol Ewropeaidd Tŷ'r Cyffredin	Amherthnasol
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Amherthnasol
Dyddiad y daw'r cyfnod sifftio i ben yn Senedd y DU	Amherthnasol
Memorandwm Cydsyniad Offeryn Statudol (SICM) o dan Reol Sefydlog 30A (oherwydd eu bod yn diwygio deddfwriaeth sylfaenol)	Dim angen

#### Gweithdrefn graffu

Canlyniad y broses sifftio	Amherthnasol
Gweithdrefn	Cadarnhaol drafft
Dyddiad trafod gan y Cydbwyllgor ar Offerynnau Statudol	11/11/2020
Dyddiad trafod gan Bwyllgor Offerynnau Statudol Tŷ'r Cyffredin	Anhysbys
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Anhysbys

#### Y cefndir

Bwriedir i'r Rheoliadau hyn gael eu gwneud gan Lywodraeth y DU yn unol ag adran 8(1) o Ddeddf yr Undeb Ewropeaidd (Ymadael) 2018, a pharagraff 21 o Atodlen 7 iddi.

#### Crynodeb

Mae'r Rheoliadau hyn yn diwygio'r ddeddfwriaeth yr UE a'r ddeddfwriaeth ddomestig a ganlyn er mwyn adlewyrchu'r newid yn y sefyllfa deddfwriaethol yn dilyn y Cytundeb Ymadael a Phrotocol Iwerddon / Gogledd Iwerddon. Maent hefyd yn diwygio deddfwriaeth yr UE a wnaed ers i'r rheoliadau Ymadael â'r UE a restrir isod gael eu gwneud fel y byddant yn weithredol:

#### Deddfwriaeth yr Undeb Ewropeaidd

- Rheoliad (UE) Rhif 576/2013 ar symud anifeiliaid anwes yn anfasnachol;
- Rheoliad (UE) Rhif 577/2013 ar y dogfennau adnabod enghreifftiol ar gyfer symud cŵn, cathod a ffuredau yn anfasnachol, sefydlu rhestrau o diriogaethau a thrydydd

gwledydd a fformat, cynllun a gofynion iaith y datganiadau sy'n tystio o ran cydymffurfio â rhai amodau;

- Rheoliad (UE) Rhif 2019/294 sy'n nodi'r rhestr o diriogaethau a thrydydd gwledydd sydd wedi'u hawdurdodi ar gyfer mewnfario cŵn, cathod a ffuredau i'r Undeb a'r dystysgrif iechyd anifeiliaid enghreifftiol ar gyfer mewnfario o'r fath; a
- Rheoliad y Comisiwn (CE) Rhif 535/2008 ar 13 Mehefin 2008 sy'n gosod rheolau manwl ar gyfer gweithredu Rheoliad y Cyngor (CE) Rhif 708/2007 ynghylch defnyddio rhywogaethau estron a rhywogaethau sy'n absennol yn lleol mewn dyframaethu.

#### Deddfwriaeth ddomestig

- Rheoliadau Iechyd Anifeiliaid Dyfrol a Rhywogaethau Estron mewn Dyframaeth (Diwygio etc.) (Ymadael â'r UE) 2019
- Rheoliadau Iechyd Anifeiliaid Dyfrol a Rhywogaethau Estron mewn Dyframaeth (Diwygio) (Cymru a Lloegr) (Ymadael â'r UE) 2019;
- Rheoliadau'r Polisi Pysgodfeydd Cyffredin a Dyframaethu (Diwygio etc.) (Ymadael â'r UE) 2019;
- Rheoliadau Iechyd Anifeiliaid Dyfrol ac Iechyd Planhigion (Swyddogaethau Deddfwriaethol) (Ymadael â'r UE) 2019;
- Rheoliadau Anifeiliaid (Swyddogaethau Deddfwriaethol) (Ymadael â'r UE) 2019;
- Rheoliadau Dileu a Rheoli Afiechydon Milheintiol (Diwygio) (Ymadael â'r UE) 2019

Mae'r Rheoliadau'n cynnwys darpariaethau sy'n ymwneud â saith maes polisi, sef: hadau, planhigion a deunyddiau lluosogi; iechyd anifeiliaid dyfrol; Enseffalopathïau Sbyngffurf Trosglwyddadwy a Sgîl-gynhyrchion Anifeiliaid; da byw; afiechydon milheintiol; teithio gan anifeiliaid anwes; a defnyddio rhywogaethau estron a rhywogaethau sy'n absennol yn lleol mewn dyframaethu. Bydd cyfraith yr UE a ddargedwir sy'n ymwneud â'r meysydd polisi hyn yn parhau i weithredu ar ddiwedd y cyfnod pontio mewn ffordd debyg i'r hyn yr oedd o'r blaen. Mae'r Rheoliadau hyn yn dileu darpariaethau diangen sy'n ymwneud â chyfraith yr UE, yn galluogi'r DU i gadw at ymrwymïadau y mae wedi'u gwneud yn y Cytundeb Ymadael, ac yn trosi gweithdrefnau'r UE yn weithdrefnau'r DU, fel sy'n briodol.

Mae'r Rheoliadau'n darparu ar gyfer swyddogaethau deddfwriaethol a roddir ar hyn o bryd gan deddfwriaeth yr Undeb Ewropeaidd i'r Comisiwn Ewropeaidd a Chyngor yr Undeb Ewropeaidd i fod yn arferadwy, yn hytrach, gan awdurdodau priodol ym Mhrydain Fawr, fel y gellir eu harfer ar lefel genedlaethol ar ôl diwedd y cyfnod pontio.

#### **Datganiad gan Lywodraeth Cymru**

Ar ôl adolygu'r Memorandwm Esboniadol ar y Rheoliadau, mae'r Cynghorwyr Cyfreithiol yn gwneud y sylwadau a ganlyn mewn perthynas â datganiad Llywodraeth Cymru, dyddiedig 4 Tachwedd 2020, ynghylch effaith y Rheoliadau hyn:

Nid yw datganiad Llywodraeth Cymru yn nodi pa rai o bwerau deddfwriaethol y Senedd na pha rai o bwerau gweithredol Gweinidogion Cymru y mae'r offeryn hwn yn effeithio arnynt. Nodir bod y datganiad yn darparu:

*Mae gan swyddogaethau a drosglwyddwyd fel eu bod yn arferadwy gan yr Ysgrifennydd Gwladol gyda chydysniad Gweinidogion Cymru y potensial i gynnwys y gofyniad i ymgynghori â Llywodraethy DU o dan Atodlen 7B i Ddeddf Llywodraeth Cymru 2006 pe bai Bil Senedd yn y dyfodol yn ceisiodileu neu addasu'r swyddogaethau hynny.*

*Mae gan y swyddogaethau cydamserol a geir yn y Rheoliadau y potensial i gynnwys y gofynion cydsyniad yn Atodlen 7B i Ddeddf Llywodraeth Cymru 2006 ac, fel y cyfryw, maent yn cyfyngu obosibl ar gymhwysedd y Senedd yn y dyfodol. Fodd bynnag, rydym yn cynnal trafodaethau gydag Ysgrifennydd Gwladol Cymru mewn perthynas â Gorchymyn adran 109 o dan y Ddeddf i ddiwygio Atodlen 7B i negyddu'r cyfyngiad posibl ar gymhwysedd y Senedd yn y dyfodol.*

Mae'r Cynghorwyr Cyfreithiol yn argymhell y dylid gofyn am eglurhad ynghylch pa bwerau datganoledig yr effeithir arnynt; ac y dylid gofyn am wybodaeth a diweddariadau pellach o ran cynnydd y trafodaethau gydag Ysgrifennydd Gwladol Cymru mewn perthynas â'r Gorchymyn adran 109 y cyfeirir ato uchod.

#### **Cytundeb Rhynglywodraethol ar Fil yr Undeb Ewropeaidd (Ymadael)**

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith.

Gan ei bod yn aneglur o ddatganiad Llywodraeth Cymru, dyddiedig 4 Tachwedd 2020, beth fydd effaith bosibl y Rheoliadau ar gymhwysedd deddfwriaethol y Senedd a/neu gymhwysedd gweithredol Gweinidogion Cymru, nid yw'r Cynghorwyr Cyfreithiol wedi gallu asesu a oes unrhyw faterion arwyddocaol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.